

ANNEX 41 : GARIS PANDUAN PENCEGAHAN DAN PENGURUSAN COVID-19 DI PUSAT PEMINDAHAN SEMENTARA MANGSA BENCANA

A. Pendahuluan

Semasa kejadian bencana alam seperti banjir, tanah runtuh atau kebakaran mangsa-mangsa bencana pada lazimnya akan ditempatkan di Pusat Pemindahan Sementara (PPS) yang telah dikenal pasti di setiap Daerah dan Negeri. Keadaan penghuni yang ramai di PPS boleh menjadi punca kepada penularan penyakit COVID-19.

Langkah-langkah pencegahan COVID-19 di PPS perlu diamalkan dan diberi perhatian oleh semua penghuni dan agensi yang bertanggungjawab dalam pengurusan dan kebajikan mangsa di PPS. Penjarakkan sosial, amalan mencuci tangan, etika batuk dan bersin perlu diamalkan sepanjang masa.

Berikut ialah panduan pencegahan dan pengurusan COVID-19 di PPS yang boleh diguna pakai oleh semua agensi yang terlibat semasa kejadian bencana.

B. Proses Pemindahan Mangsa Bencana ke Pusat Pemindahan Sementara

1. Semasa pemindahan semua mangsa perlu mengekalkan jarak fizikal.
2. Mangsa banjir yang bergejala perlu memakai pelitup muka.
3. Petugas dari agensi yang terlibat perlu memakai pelitup muka.
4. Mangsa yang tiada gejala digalakkan memakai pelitup muka

C. Penempatan Mangsa di Pusat Pemindahan Sementara, Perintah Kawalan Pergerakan dan Zon COVID-19

1. Pemilihan sekolah sebagai PPS adalah diutamakan berbanding sebuah dewan bagi memudahkan proses pengasingan keluarga dibuat mengikut bilik darjah.
2. Percampuran penghuni dari zon COVID-19 yang berlainan perlu dielakkan. Namun, sekiranya tidak dapat dielakkan, pengasingan di PPS perlu dilakukan di antara penghuni dari zon yang berlainan, termasuk kawasan gunasama seperti tandas, sinki, kaunter pendaftaran, kaunter saringan dan tempat mengambil makanan.
3. Bagi kawasan yang diisytiharkan sebagai kawasan Perintah Kawalan Pergerakan Dipertingkatkan (PKPD), lokasi PPS seharusnya berada di dalam kawasan tersebut.

4. Sekiranya melibatkan mangsa dari PKPD, semua petugas perlu memakai 3-ply mask dan jika mengendalikan mangsa, perlu menggunakan sarung tangan getah.
5. Mangsa daripada PKPD perlu ditempatkan di PPS berasingan daripada mangsa bencana dari kawasan bukan PKPD.
6. Sekiranya bencana bertambah buruk dan membahayakan nyawa, serta tiada tempat pemindahan yang sesuai di dalam kawasan PKPD, maka mangsa perlu dipindahkan ke PPS di luar kawasan PKPD yang paling hampir.
7. Sekiranya mangsa dari PKPD dan dari kawasan bukan PKPD terpaksa ditempatkan di PPS yang sama, pengasingan antara mangsa dari dua kawasan tersebut perlu dilakukan, termasuk kawasan gunasama.

D. Persiapan Pusat Pemindahan Sementara Sebelum Pendaftaran Masuk

Agensi yang bertanggungjawab perlu memastikan;

1. Semua PPS mesti meletakkan tanda menjaga jarak fizikal di tempat-tempat yang melibatkan kawasan gunasama.
2. Semua PPS mesti memastikan stesen cuci tangan dengan air dan sabun atau *hand sanitizer* disediakan.
3. Semua PPS mesti memastikan stesen cuci tangan atau *hand sanitizer* di letakkan dilokasi yang strategik di pintu masuk/keluar PPS dan di dalam PPS.
4. Penghadang / kubikel / khemah mesti dijarakkan sekurang-kurangnya 2 meter sekiranya berkaitan.
5. Semua PPS perlu menyediakan 3-ply mask untuk kegunaan mangsa yang bergejala.
6. Semua PPS perlu memastikan poster etika batuk dan bersin, serta *hand hygiene* yang bersesuaian ditampal di lokasi yang strategik untuk makluman/peringatan kepada mangsa yang ditempatkan dan anggota yang bertugas.
7. Semua PPS perlu memastikan keperluan mangsa terhadap bekalan air bersih dan selamat, serta sanitasi yang baik disediakan.
8. Tandas mobil perlu ditambah di PPS sekiranya jumlah tandas sedia ada tidak mampu menampung keperluan jumlah mangsa yang ditempatkan.
9. Kenalpasti ruang khas / isolasi untuk mengasingkan mereka yang bergejala.

Semasa Pendaftaran Masuk di Pusat Pemindahan Sementara

1. Semasa pendaftaran, semua mangsa bencana perlu menjarakkan diri secara fizikal di antara satu sama lain sekurang-kurangnya 1 meter.
2. Semua mangsa perlu ditempatkan mengikut keluarga masing-masing dan tiada percampuran di antara ahli keluarga yang berlainan.
3. Semua mangsa perlu disaring terlebih dahulu untuk gejala dan faktor risiko COVID-19 sebelum masuk ke PPS. Perkara asas yang akan dibuat ketika ini adalah seperti berikut:

a) Mangsa dari Zon Kuning dan Merah

Rujuk ke klinik kesihatan atau hospital untuk ujian COVID-19 jika:

- Suhu badan > 37.5°C, atau
- Merupakan kontak rapat kepada pesakit positif COVID-19, atau
- Mempunyai sejarah perjalanan ke luar negara dalam tempoh 14 hari lepas, atau
- Mempunyai sejarah kontak dengan mana-mana individu dalam Kluster positif COVID-19, atau
- Bergejala batuk, selsema, sakit tekak atau susah nafas
- Individu yang telah diarah untuk menjalani pemantauan di rumah (HSO) dan masih dalam tempoh HSO

b) Mangsa dari Zon Hijau

Diasingkan di ruang isolasi jika,

- Suhu badan > 37.5°C, atau
- Bergejala batuk, selsema, sakit tekak atau susah nafas

Rujuk ke klinik kesihatan atau hospital untuk ujian COVID-19 jika,

- Suhu badan > 37.5°C, gejala batuk, selsema, sakit tekak atau susah nafas

DAN

- Merupakan kontak rapat kepada pesakit positif COVID-19, atau
- Mempunyai sejarah perjalanan ke luar negara dalam tempoh 14 hari lepas, atau
- Mempunyai sejarah kontak dengan mana-mana individu dalam Kluster positif COVID-19.

4. Semasa pendaftaran, tumpuan perlu diberikan untuk mengenal pasti individu yang berisiko tinggi seperti warga emas, individu dengan penyakit kronik, obes, ibu hamil, bayi dan kanak-kanak, mereka yang memerlukan rawatan lanjut seperti dialisis, orang kelainan upaya dan sebagainya.
5. *Hand sanitiser* atau tempat membasuh tangan mesti disediakan sebelum pendaftaran.
6. Mangsa yang bergejala mesti diasingkan di ruang khas dan diperiksa oleh anggota pasukan perubatan dari semasa ke semasa.
7. Anggota yang melakukan pendaftaran perlu memakai sekurang-kurangnya *3-ply mask*.

F. Semasa di Pusat Penempatan Sementara

1. Makanan yang dihidangkan tidak boleh menggunakan konsep *buffet* atau mencedok sendiri, sebaliknya perlu dibungkus secara berasingan (*individually packed*).
2. Makanan perlu dihantar kepada setiap mangsa / keluarga dan bukan diambil sendiri atau hanya ketua keluarga dibenarkan datang untuk mengambil makanan yang dibungkus.
3. Satu bilik darjah bagi satu keluarga adalah diutamakan. Manakala dalam situasi yang tidak mengizinkan, tempat tinggal setiap keluarga perlu dijarakkan melebihi satu (1) meter atau bersekat.
4. Semua yang bergejala wajib memakai *3-ply mask* dan diperiksa oleh anggota kesihatan dari semasa ke semasa. Mangsa yang sihat digalakkan memakai *3-ply mask* sepanjang berada di PPS.
5. Semua mangsa tidak digalakkan bergerak dari kawasan kubikel atau bilik darjah masing-masing. Menziarahi keluarga lain di PPS adalah tidak dibenarkan.
6. Sebarang perhimpunan termasuk solat berjemaah tidak dibenarkan selagi Perintah Kawalan Pergerakan (PKP) masih dikuatkuasakan di kawasan bencana.
7. Aktiviti pendidikan kesihatan atau kaunseling perlu penjarakkan sosial, amalan mencuci tangan, dan etika batuk dan bersin.
8. Ruang khas / isolasi untuk mengasingkan mereka yang bergejala dan tidak sihat hendaklah ditempatkan di ruang yang bersesuaian supaya *cross contamination* melalui pengaliran udara dalaman PPS tidak berlaku. Ruang khas / isolasi juga perlu dilabelkan untuk mengelakkan mangsa yang tidak berkenaan masuk ke ruang tersebut.

9. Laluan ke ruang khas / isolasi dan laluan mangsa yang tidak bergejala perlu diasingkan.
10. Anggota kesihatan yang merawat mangsa di ruang khas / isolasi tidak boleh memasuki kawasan penempatan mangsa yang tidak bergejala bagi mengurangkan risiko jangkitan.
11. Pihak yang menguruskan PPS perlu membuat disinfeksi bersasar di tempat gunasama oleh mangsa, seperti tombol pintu, tandas dan lain-lain tempat gunasama seberapa kerap yang boleh.
12. Mangsa di PPS mesti mencuci tangan dengan sabun dan air, atau menggunakan *hand sanitiser* seberapa kerap terutamanya selepas bersin, batuk, sebelum dan selepas makan serta menggunakan tandas.
13. Tiada disinfeksi besar-besaran dibenarkan selagi masih ada mangsa ditempatkan di PPS

G. Selepas Tamat Penempatan

1. Semua yang bergejala mesti memakai 3 ply mask dan diperiksa anggota kesihatan sebelum dibenar pulang.
2. Disinfeksi bersasar perlu dilakukan selepas kesemua mangsa keluar daripada PPS

Senarai keperluan di PPS:

1. Infrared termometer
2. Pelitup muka
3. Hand sanitizer
4. Sabun
5. Tisu



KEMENTERIAN KESIHATAN MALAYSIA
SENARAI SEMAK PENCEGAHAN DAN PENGURUSAN COVID-19 UNTUK
MANGSA BENCANA DI PUSAT PEMINDAHAN SEMENTARA

BIL		Ya	Tidak
A. Persediaan Pembukaan Pusat Pemindahan Sementara			
1.	Mengutamakan penggunaan bilik darjah sekolah sebagai PPS berbanding Dewan		
2.	Setiap keluarga diasingkan di bilik darjah yang berbeza. Sekiranya dewan digunakan		
3.	Penghadang / kubikel / khemah untuk setiap keluarga dijarakkan sekurang-kurangnya dua (2) meter bagi PPS di dewan		
4.	Pemeriksaan suhu badan dan saringan gejala COVID-19 dilakukan semasa pendaftaran		
5.	Bekalan 3-ply mask disediakan untuk diedar kepada mangsa yang bergejala		
6.	Lokasi PPS perlu dikenal pasti di kawasan Perintah Kawalan Pergerakan Dipertingkatkan (PKPD)		
7.	Mangsa daripada PKPD perlu ditempatkan di PPS berasingan daripada mangsa bencana dari kawasan bukan PKPD, jika ada		
8.	Kemudahan tempat mencuci tangan yang dilengkapi sabun / <i>hand sanitizer</i> secukupnya dan ditempatkan dilokasi strategik		
9.	Bekalan makanan kepada mangsa dibungkus secara berasingan (<i>individually packed</i>) sahaja		
10.	Poster etika batuk dan bersin, serta <i>hand hygiene</i> yang bersesuaian ditampal di lokasi yang strategik		
11.	Bekalan air di PPS perlu dipastikan bersih dan selamat.		
12.	Terdapat ruang isolasi yang bersesuaian dan berlabel bagi mengasingkan mereka yang bergejala dan tidak sihat didalam PPS.		
13.	Tandas bergerak disediakan di PPS sekiranya jumlah tandas sedia ada tidak mencukupi		
B. Proses Pemindahan Mangsa Bencana ke Pusat Pemindahan Sementara			
1.	Semua mangsa mengekalkan jarak fizikal melebihi satu (1) meter semasa pemindahan		
2.	Mangsa yang bergejala memakai penutup hidung dan mulut		

C. Penempatan Mangsa di Pusat Pemindahan Sementara			
1.	Mangsa disaring terlebih dahulu untuk gejala dan faktor risiko COVID-19 sebelum masuk ke PPS		
2.	Mangsa bergejala dari zon kuning dan merah dirujuk ke klinik atau hospital untuk ujian COVID-19		
3.	Mangsa bergejala dari zon hijau diasingkan di ruang isolasi		
4.	Terdapat ruang isolasi yang dilabelkan di PPS		
5.	Mangsa bergejala dibekalkan <i>3-ply mask</i> .		
6.	Pasukan Perubatan hadir memeriksa mangsa bergejala		
7.	Semua mangsa tidak digalakkan bergerak dari bilik darjah atau kubikel masing-masing		
8.	Sabun dan hand sanitizer disediakan di PPS		
9.	Makanan dibungkus dan dihantar kepada setiap keluarga		
10.	Tiada sebarang aktiviti perhimpunan dan perkumpulan di PPS		
11.	Pendidikan kesihatan berkaitan penjarakkan sosial, amalan mencuci tangan, dan etika batuk dan bersin dilakukan		
12.	Disinfeksi bersasar dijalankan dengan kerap di kawasan gunasama seperti tombol pintu dan tandas		
D. Selepas Tamat Penempatan			
1.	Semua yang bergejala wajib memakai <i>3-ply mask</i> dan diperiksa anggota kesihatan sebelum dibenar pulang		
2.	Disinfeksi bersasar perlu dilakukan selepas kesemua mangsa keluar daripada PPS		

Disediakan oleh:

Sektor Kesihatan Pekerjaan dan Alam Sekitar
Bahagian Kawalan Penyakit